



5. november 2007

Inatsisartut suleriaasianni § 36 imm. 1 naapertorlugu matumuuna Naalackersuisunut imaattumik apeqquteqarniarpunga:

**Naligiissitaaneq pillugu Naalackersuisunut apeqqut.**

(Inatsisartunut ilaasortaq Jens B. Frederiksen, Demokraatit)

Inuussutissarsiornermut Naalackersuisoq 8. oktober 2007 Inatsisartunut ilaasortanut tamanut allakkatigut piffissami tamatumani Naligiissitaanermut siunnersuisoqatigiit pisortaqarfimmut allamut nuunneqarnissaat eqqarsaatigalugit kiisalu tamatumunnga patsisaasoq nalunaarutigai, tassa suliaasaqarfimmi suliaasat tiguneqartartut amerlanersaat ilaqutariussutsimut tunngasuusarmata, taamaattumillu suliaasaqarfiup tamatuma allaffissornikkut aqunneqarnera Ilaqutariinnermut Pisortaqarfimmit tiguneqassappat pissusissamisoornerpaatut isigineqartoq. Taamatut isumaqarnerup sukumiisumik uppersaatsiisioornissaa Demokraatit piumasaraat immaqalu assersuutissatut pingaarutillit ilanngunneqarnerisigut.

Tamatuma saniatigut Demokraatit apeqqutit makkua naligiissitaaneq pillugu suliaasaqarfimmut tunngassuteqartut akineqarnissaat kissaatigaat:

1. Naalackersuisut qinnuigineqarput arnat angutillu qinigaaffimmi matumani naligiissitaanissaat pitsanngorsarniarlugu Inuussutissarsiornermut Naalackersuisoqarfiup sunik suliniuteqarsimanera nassuiaqqullugu?
2. Naalackersuisut isumaqarpat arnat angutillu naligiissitaanerat piviusorsiorortoq ullumikkut angusimagippat, taamalu naligiissitaanissamik suliaasaqarfik 400.000 kr.-inik ikilisaavigineqarluni?
3. Naalackersuisut naatsorsuutigaat Naligiissitaanermut Siunnersuisoqatigiit ullumikkutulli suliaasat taakkuusut suliarisinnaassagaat, aningaasaliissutit pingajorararterutaasa missinginik ilanngarneqarpata?
4. Taamaangippat, suliaasaqarfiit sorliit Naligiissitaanermut Siunnersuisoqatigiit siunissami isumagissagaat Naalackersuisut isumaqarpat?
5. Aammattaaq Naalackersuisut qinnuigineqarput Naligiissitaanermut Siunnersuisoqatigiit maannakkut inuttalersugaanerat kiisalu Siunnersuisoqatigiit qanoq allattoqarnikkut sullinneqarnerat nalunaarutigeqqullugu.
6. Naalackersuisut isumaqarpat naligiissitaanermik suliaasaqarfik taamaallaat tasaanersoq angerlarsimaffinni sammisaqarfiusoq, Naalackersuisut suliaasaqarfiup Ilaqutariinnermut Naalackersuisoqarfimmut nuunneqarnissaa kissaatigippassuk?
7. Naalackersuisut isumaqanngillat siulersuisuni naligiissitaaneq, suliffeqarnermi naligiissitaaneq, akissarsiaqartitsinermut suliaasaqarfimmi naligiissitaaneq kiisalu atorfinitsitsisarnerni allani naligiissitaaneq Naligiissitaanermut Siunnersuisoqatigiinnut naleqquttuunersut, sulias-



DEMOKRAATIT  
DEMOKRATERNE

saqarfik Inuussutissarsiornermut, Suliffeqarnermut Inuussutissarsiutinullu Ilinniartitaanernut  
Naalakkersuisumit peerneqarniarpat?

Apeqqutit ullut suliffiusut qulit qaangiutinnginneranni akeqquneqarput.